

 Ono što me posebno dojmilo jeste činjenica da je ramazan mjesec suzdržanja svih organa od harama i grijeha, a ne samo puko gladovanje, i da je to mjesec u kojem se musliman odupire porivima duše kroz istinski odgoj i odricanje.

Ovim riječima je mladi Arthur objasnio svoj prelazak na islam prije nekoliko dana u Islamskom kulturnom centru u Kijevu. On je u intervjuu za aljazeera.net rekao da je pročitao mnogo knjiga o različitim religijama i da je vršio logičku analizu kako bi izabrao vjeru s kojom će biti zadovoljan i ubjeđen da je napravio pravi izbor. I kada je, prije izvjesnog vremena, čuo od jednog svećenika da je postidova i kršćana bio isti kakav je danas kod muslimana, namjerno se počeo mišati sa muslimanima kako bi od njih dobio potrebne informacije o islamu, da bi nakon toga otišao u Islamski kulturni centar u Kijevu i javno primio islam.

Arthur je jedan od 30 Ukrajinaca koji su u toku ovogodišnjeg ramazana primili islam. Devetorica njih su iz glavnog grada Kijeva, što je navelo islamske aktiviste u Islamskom centru da kažu da je ramazan mjesec Kur'ana i mjesec primanja islama u Ukrajini.

Arthur je za aljazeera.net još rekao: "Osjetio sam da su muslimani zapravo svjetska, globalna nacija koju sačinjavaju ljudi svih narodnosti i etničkih skupina, i osjetio sam da jedni druge razumiju iako ne govore isti jezik."

U Kijevu je na islam prešla i Tatjana (19 godina) koja je o svom primanju islama, rekla: "Pitala sam jednog od mojih prijatelja, kada sam saznala da postoji, o islamu i on mi je govorio o osnovnim načelima islama. Nakon toga uzela sam prijevod Kur'ana i pročitala sam nekoliko sura. Osjetila sam i shvatila da su to činjenice koje odgovaraju našoj stvarnosti. Zbog toga sam odlučila da se još bolje upoznam sa islamom da bih nakon toga primila islam."

Ukrajinski muftija, Ejh Said Ismailov, o tome je rekao: "Mislim da je broj Ukrajinaca koji su u toku ovogodišnjeg ramazana primili islam veći od trideset, odnosno da nije manji od pedeset, jer je tih trideset ljudi prešlo na islam pred vjernicima u džamiji, a ima ih mnogo koji to nisu javno učinili."